

主席、各委會、陳局長、你好！

我係香港酒吧業協會副主席錢雋永，本會最近收到1000多間酒吧東主對今次酒牌服務加費提出反對意見，本會亦認為今次加幅幅度相當驚人，可以用嚇死人黎形容，尤其係授權他人管理處所申請，服務費用增幅達到43900%，跟住係酒牌轉讓及修訂申請，增幅並達到7843%，其次係簽發新酒牌申請，增幅亦達346%，加到咁離譜，業界真係好難接受。

現時全港有1380間酒吧，佔咗酒牌比例嘅18%，雖然比例唔多，但都對香港旅遊業發揮左一定嘅價值同貢獻，其實去酒吧唔係壞事，佢係俾人一個消閒娛樂放鬆嘅好地方，去酒吧係令人開心嘅，而且香港嘅酒吧係一個十分安全嘅地方，因為持牌人又要確保場所有違法行為，而且又有完善消防設備，確保火警時逃生安全，既然酒吧係一個又安全又有規管嘅地方，政府冇理由仲要打擊酒吧業。

最近葵涌美適工業大廈三死奪命火警引起各界對濫用工業大廈嘅關注，本會亦委托顧問公司調查，發現全港有131間無牌酒吧及會所經營，他們大部份用party House名義經營，走法律漏洞，容許顧客於場所內吸煙飲酒吸毒，但政府居然不聞不問，讓工業大廈內之無牌酒吧、會所越開越多，就如工廈內的一個計時炸彈隨時爆炸，危害消費者人身安全。

這些場所一般都有合規格消防系統，而且走火通道又經常擺滿雜物，幾百尺地方都可容納過百人，如果發生火警根本就好難逃生，呢啲地方有如一個死亡陷阱，隨時發生意外。

但政府就完全沒有理會，反而瘋狂加價打擊我哋呢啲合規格嘅持牌酒吧，簡直係本末倒置，加速令工廈內嘅無牌酒吧、會所越開越多。

業界明白政府過去20年來酒牌服務從未加費，業界亦認為政府適當加費是應該的，但香港過去20年嘅總通脹率都只係28.3%，咁你有乜理由加我哋346%至43900%呢！其實政府係咪希望有晒啲合規格嘅持牌酒吧比人消遣呢！如果係咁，將來工廈內意外一定會越來越多，政府亦須承擔後果。

其實業界係願意同政府傾架，但必須係傾一個合理嘅加費，本會建議政府根據過去20年之總通脹增幅28.3%作一個標準，根據這個標準作出合理加費，另外本會希望局長及各委員明白到瘋狂加費帶來的社會問題及嚴重後果，促請政府收回此不合理收費建議，令酒吧業可持續健康發展。

香港酒吧業協會建議政府之酒牌服務收費意見

最近本會已收到全港合共約一千多間酒吧餐廳的東主意見,一致回覆反對政府疑增加酒牌服務收費,但業界明白政府過去二十年來沒有調整酒牌服務收費,所以本會建議政府調整之合理酒牌服務收費意見如下:

酒牌服務	現行收費	本會建議收費	已增幅百分比
簽發新牌照			
酒牌(酒吧)	3,940	5,055	+28.3%
會社酒牌(酒吧)	1,100	1,411	+28.3%
酒牌(沒有酒吧)	1,990	2,554	+28.3%
會社酒牌(沒有酒吧)	1,100	1,411	+28.3%
牌照續期 1 年			
酒牌(酒吧)	3,940	5,055	+28.3%
會社酒牌(酒吧)	1,100	1,411	+28.3%
酒牌(沒有酒吧)	1,990	2,554	+28.3%
會社酒牌(沒有酒吧)	1,100	1,411	+28.3%
牌照續期 2 年			
酒牌(酒吧)	5,910	7,283	+28.3%
會社酒牌(酒吧)	1,650	2,117	+28.3%
酒牌(沒有酒吧)	2,990	3,836	+28.3%
會社酒牌(沒有酒吧)	1,650	2,117	+28.3%
轉讓牌照			
酒牌(酒吧)	140	180	+28.3%
會社酒牌(酒吧)	140	180	+28.3%
酒牌(沒有酒吧)	140	180	+28.3%
會社酒牌(沒有酒吧)	140	180	+28.3%
修訂牌照			
酒牌(酒吧)	140	180	+28.3%
會社酒牌(酒吧)	140	180	+28.3%
酒牌(沒有酒吧)	140	180	+28.3%
會社酒牌(沒有酒吧)	140	180	+28.3%
授權他人管理處所			
不超過 30 天	10	13	+28.3%
超過 30 天	10	13	+28.3%